

APPLIANCE TRADE-UP

EKKWE KAPAS EIS SENI ARAMAS



Met ena Hawai'i Energy?

Hawai'i Energy a kan achocho ne áni ekkewe famini me business ar repwe sinei ifa ussun repwe ekisaano ar áeá fifi, seif mooni, me ar repwe 100% áeá fifi seni akkar, asepan, me pwan ekkóch. Ám mi osukkuna namoten áeáéch fifi me awora niffangen áeáéch fifi. E kon memmóng fifi me Hawai'i ina popun mi áúchea ousipwe anganfengen ne ekisaano ach áeáán fifi me ach soun áeá fifi seni tiis me pwan ekkóch. Ren óm kopwe anapaano óm sinei ussuch, nó ngeni [HawaiiEnergy.com](https://www.hawaiienergy.com).

Hawai'i Energy eú kinikinin ewe Hawaiian Electric Company (HECO)?

Apw, ewe Hawai'i Energy prokram a nóm fán túmúnúen ewe Hawai'i Public Utilities Commission (PUC) me a sókkoseni HECO.

Ié mi tongeni fiti ena Appliance Trade-Up Prokram?

Hawai'i Energy a awora ei prokram nón ekkewe neeni mi kefiniitá, me ekkewe mi nóm nón ekkee neeni iká zip codes (96817, 96819) me iir chón kakkamé fifi ra tongeni fiti ei prokram. Nó ngeni [HawaiiEnergy.com/COMMUNITY](https://www.hawaiienergy.com/COMMUNITY) pwe kopwe sinei a tik ia ei prokram. Mi chék éúkúk chóchóón repwe fiti ei prokram, ina popun kopwe apply atun a suuk atun apply.

E kan ifa ussun ena Appliance Trade-Up Prokram?

Iká pwe mi wor óm minen nóómun icebox, freezer, sitof fifi, microwave me pwan met nge ka mochen siwini me ke nóm nón eú ekkewe neeni mi fiti ei prokram, nó ngeni [HawaiiEnergy.com/COMMUNITY](https://www.hawaiienergy.com/COMMUNITY) iká a suuk atun apply. Ka tongeni download eché application, fini ena mineféén appliance ke mochen mééni, iwe ka submit méén na me noum na form ka fen amasowaano. Atun a mwúch ena atun apply, Hawai'i Energy ina epwe katon met ena ke mééni me a kúttá anen an epwe tour ngonuk. Anóngónóng wóón ia ke nóm ie, mineféén me minen nóómun appliance epwe nikkesiwin ren imwom na iká ren eú neeni a fen pwisin kefininó.

Pwata aúa áúcheani an epwe nikkesiwin minen nóómun (in-use) icebox me freezer?

Ei prokram a achocho ngeni an epwe angei me recycle chómmóng appliance mi asonaapa fifi. Eú minen nóómun icebox e kan áeá watte watte fifi nap seni eú mineféén ENERGY STAR® certified icebox, ina popun óm siwini óm na a minen nóóm a ánisuk ne seif fifi ME mooni!

Ifa tamen an epwe toruk óm na mineféén appliance?

Ekkena appliance re kan deliver mwirin 6-12 wiiken an a mwúch ewe atun apply nge pwan anóngónóng wóón ewe neeni.

Repwe nikkesiwin me ia ekkena appliance?

Ekkena minen nóómun me mineféén appliance repwe nikkesiwin me nóm imw, núkún chék iká epwe pwan kkonó ia. Kese mochen fós ngeni ewe chón mesemes wóón ei prokram ren pwan ekkóch pwórous.

Met ekkena ENERGY STAR® appliance?



Ekkewe appliance mi ffér ar repwe áeá kúkkún fifi mwen ekkewe pwan ekkóch appliance ina ekkena ewe federal government e kan ngeniir ena ENERGY STAR® certification. Áwewe chék, ren óm ekkesiwi eú icebox a 10 ierin iká nap seni ngeni eú ENERGY STAR® model iwe ka tongeni seif \$200 iteiten ier. Ekkewe appliance mi wor rer ei certification mi nómottam rese takká me kese niit óm kopwe kamé mineféén appliance iteitan.

Anapaano óm sinei ussun ENERGY STAR® ren óm nó ngeni:

<https://www.energystar.gov/products/appliances/refrigerators>.

A etto me ia moonien Hawai'i Energy?

Moonien Hawai'i Energy prokram a feito seni ewe Public Benefits Fund (PBF), ewe a ioi seni án ekkewe HECO customers méén fifi me PUC a kan wisen mesemes wóón. Hawai'i Energy a kan wisen anganga ekkena mooni ren an awora anen án ekkewe chón kame fifi nón Hawai'i mi fes ngeni ena PBF seif mooni me seif fifi.

Úpwe káé me ia ái úsapw asonaapa fifi me neim?

Ren pwan ekkóch pwórous, nó ngeni [HawaiiEnergy.com/Tips](https://www.hawaiienergy.com/Tips).